

Ek Thi Ladaki Meri Saheli Lyrics - Gumrah :

Singer - [Asha Bhosle](#)

Lyricist - [Sahir Ludhianvi](#)

Music - [Ravi Shankar Sharma -Ravi](#)

Music Label - Saregama

Ek thi ladaki meri saheli
Saath pali aur saath hi kheli
Phulo jaise gaal the usake
Resham jaise baal the usake
Ham usako gudiya kahate the
Rago ki pudiyaa kahate the
Saari thi mujhe pyaari thi wo
Nanhi raajakulaari thi wo
Ek din usane bholepan se
Puchhaa ye paapaa se jaa ke
Ab mai khush rahati hun jaise
Sadaa hi kyaa khush rahungi aise
Paapaa bole meri bachchi
Baat bataaun tujh ko sachchi
Kal ki baat naa koi jaane
Kahate hai ye sabhi siyaane
Ye mat socho kal kyaa hogaa
Jo bhi hogaa achchhaa hogaa
Ye mat socho kal kyaa hogaa
Jo bhi hogaa achchhaa hogaa
Bachpan bitaa aai jawaani
Ladaki ban gai rup ki raani
College me ithalaati phirati
Bal khaati laharaati phirati
Ek sundar chachal ladake ne
Chhup chhup kar chupake chupake se
Ladaki ki tasvir banaai
Aur ye kah kar use dikhaai
Is par apanaa naam to likh do
Chhotaa saa paigaam to likh do
Ladaki pahale to sharamaai
Phir mann hi mann me muskaai
Ek din usane bholepan se
Puchhaa ye apane saajan se
Ab mai khush rahati hun jaise
Sadaa hi kyaa khush rahungi aise
Usane kahaa ki meri raani
Itani baat hai maine jaani
Kal ki baat naa koi jaane
Kahate hai ye sabhi siyaane
Ye mat socho kal kyaa hogaa
Jo bhi hogaa achchhaa hogaa
Ye mat socho kal kyaa hogaa
Jo bhi hogaa achchhaa hogaa
Ye mat socho kal kyaa hogaa
Jo bhi hogaa achchhaa hogaa.